

Simposium PROMS diadakan di FPP UMS

Terakhir dikemaskini: Selasa, 15 Ogos 2017 16:05 | [Cetak](#) | Jumlah paparan: 628

Kongsi 0

Syorkan 0

Kongsi

Tweet

Share



SELASA, 15 OGOS – *Pacific Rim Objective Measurement Symposium (PROMS) 2017* telah diadakan dengan jayanya baru-baru ini di Fakulti Psikologi dan Pendidikan (FPP), Universiti Malaysia Sabah (UMS)

Simposium yang dianjurkan dengan

gabungan kerjasama UMS, *Pacific Rim Objective Measurement Society*, *Metametrics* dan *Malaysia Rasch Chapter* (myRasch) antara lain bertujuan sebagai medan perkongsian pengetahuan dan aplikasi model *Rasch* dalam komuniti antarabangsa selain menggalakkan pembentangan pelajar pascasiswazah dan pakar-pakar dalam bidang pengukuran.

Selain peserta dari negara Malaysia, 74 peserta simposium itu juga datang dari negara-negara luar seperti Indonesia, Australia, Singapura, Amerika Syarikat, Portugal, Thailand, Filipina, Macau, Hong Kong, China dan Jepun.

Pemberi ucapnama pada simposium itu ialah pakar dalam pengukuran iaitu Prof. Margaret Wu dari University of Melbourne, Prof. Robert Cavanagh dari University of Curtin Australia dan Dr. Mohd Zali Mohd Noh dari myRasch.

Sementara itu, Prof. Robert Cavanagh selaku pengerusi PROMS merakamkan setinggi penghargaan kepada UMS kerana sudi menyediakan kemudahan dan lokasi untuk mengadakan program simposium berkenaan.

Beliau juga sangat terharu dengan sokongan padu yang diberikan oleh bekas pelajar Ijazah Doktor Falasafah (PhD), pelajar semasa PhD dan pelajar sukarelawan dari Fakulti Psikologi dan Pendidikan (FPP) di bawah bimbingan Prof Dr. Vincent Pang dan Dr. Connie Ompok kerana bertungkus lumus untuk menjayakan simposium itu.

Katanya, kertas yang terpilih akan diterbitkan dalam Prosiding Persidangan PROMS oleh *Springer-verlag*.

Turut diadakan sempena persidangan itu ialah bengkel *Introduction to Rasch Measurement Model* oleh Prof. Trevor Bond dan Dr. Zali, serta bengkel *Rasch Model Across the Human Science: Using Rasch Measures for Structural Equation Modelling* oleh Dr. Ling Mei Teng dan Nor Irvoni Mohd. Ishar.

Sumber: Jaini Sapirai, Fakultas Psikologi dan Pendidikan